

詩集細目

秋漁三首

題趙松雪水村圖一首

題胡澗射雁圖一首

西苑雜詠和藻友韻二十首

敬題元公張大中丞遺照二首

上元卽事一首

詠柳借梁汾賦二首

秣陵懷古一首

題虞美人蝴蝶畫扇一首

有感一首

從見陽乞秋葵種一首

四時無題詩十八首

詩集細目

詠征人語十三首

上元月蝕一首

詠絮一首

借梁汾過西郊別墅二首

爲友人賦六首

鮑讓侯詩一首

賦得柳毅傳書圖次陳其年韻四首

柳枝詞十六首

上元竹枝一首

題見陽小照一首

別藻友口占二首

題照一首

詩集細目

塞垣却寄四首

別意六首

暮春見紅梅作簡梁汾一首

初夏月信仲弟作一首

龍泉寺書扇二首

扈從聖駕祀東岳禮成恭紀一首

塞外示同行者一首

金陵一首

寄梁汾並葺茅屋以招之一首

顧蘇文忠黃州寒食詩卷一首

郊園卽事一首

沈進士爾燦歸吳與詩以送之一首

歲晚感舊一首

陰張見陽令江寧一首

戒環同見陽作一首

詠簞鷺一首

夜合花一首

扈駕馬廐峪賜觀溫泉恭紀十韻一首

擬冬日景忠山應制一首

泉鴻應制四首

秋日送徐健庵夫子歸江甯四首

卽日又賦一首

再送施尊師歸寧隱一首

題竹爐新詠卷并序一首

擬古四十首

聖駕臨江濤賦和一首

虎阜一首

江行一首

平原柳漢裝侯墓一首

桑榆墅同梁汾夜望一首

爲王阮亭題戴務旂畫一首

暮春別嚴四蓀友一首

送施尊師歸寧隱一首

寄朱錫鬯一首

早春雪後同姜西溟作一首

送梁汾一首

題李空同詩卷和王荈澗韻一首

峻韻與程巖叔夜話一首

宿龍泉山寺一首

輓劉富川一首

野鶴吟贈友一首

壇詞一首

送馬雲翎歸江南一首

題趙松雪書鵲華秋色卷一首

新晴一首

又贈馬雲翎一首

長安行贈葉劭菴庶子一首

送蓀友一首

柳條邊一首

詩集

秋意

片雲銜日去，疏雨欲來時。
忽見小庭中，草花三兩枝。

二

涼風昨夜至，枕簟已瑟瑟。
小女笑吹燈，床頭捉蟋蟀。

三

雨聲池館秋，漠漠橫塘水。
水鳥故窺人，飛入荷花裏。

題趙松雪水村圖

北苑古神品，斯圖得其秀。
爲問鷗波亭，煙水無恙否。

題胡瓌射雁圖

人馬一時靜，祇聽哀雁音。
塞垣無事日，聊欲耗雄心。

西苑雜詠和藻友二十首

宮花半落雨初停，早是新炎撤畫屏。
何必醴泉堪避暑，繚絲風好水西亭。

詩集

一

二

離宮近繞綠蘋洲。冰簟銀牀到處幽。好是萬幾清暇日。親持玉敕奉宸游。

三

太液東頭散直遲。一雙水鳥掠楊枝。從臣獻罷平瀆賦。坐聽中涓報午時。

四

進來瓜果每承恩。豹尾前頭拜至尊。正是日斜花雨散。傳呼聲在望春門。

五

漫展輕羅一色裁。瓊牕深映拂雲槐。重簾那得微風入。葉葉荷聲急雨來。

六

黃幄臨池白鳥飛。金盤初進脍魚肥。太平時節多歡賞。花萼諸王半醉歸。

七

射生纔罷晚開筵。十部笙笳動暝煙。月上南湖波似練。幾星燈火是龍船。

八

青絲蜀錦護銀塘。誰許延秋報早涼。縹渺蓬山應似此。不知何處白雲鄉。

九

纔翻急雨暗金河。曲罷催呈雜技多。一自花竿身手絕。那能妙舞說陽阿。

十

玉女窗扉靜不開。藕花深處絕塵埃。三更露坐清無暑。共待蕉園彩鷓回。

十一

香引輕颺散玉除。下簾聲徹退朝初。馬曹此日承恩數。也逐清班許釣魚。

十二

煙柳千行宿鳥多。虹梁曲曲水螢過。新涼却愛中元節。萬點荷燈散玉河。

十三

夜深簾幕捲銀泥。十二樓高望欲迷。宮漏滴殘聞動鎖。一鈞斜月碧河西。

十四

輕雲欲傍最高樓。重露看垂白玉旒。處處紅芳零落盡。衆香國裏不曾秋。

十五

時攀御柳拂華簪。水檻行開玉一函。幾日烏龍江上去。回看北斗是天南。

詩

集

三

十六

玲瓏朱閣擬三山。上駟門依御柳閒。倦聽月中歌吹杳。晨晷秣罷夜分還。

十七

制勝由來仗德威。夜郎何物敢輕違。河清欲頌漸才盡。空羨儒臣賜宴歸。

十八

講帷遲日記花甄。下直歸來一惘然。有夢不離香案側。侍臣那得日高眠。

十九

不須惆悵憶江湖。身入金門待漏圖。中使擎來仙掌露。尊羹風味得如無。

二十

花隴初陽覆綺寮。玉柯雙引望中遙。憑君莫作煙波夢。曾是煙波夢早朝。

敬題元公張大中丞遺照二首

豸冠丰采著垂魚。共擬威稜肅翦除。今日拜瞻溫克甚。懸知宿好但詩書。

二

憶從駒齒獎空羣。執戟誰知似子雲。鍾鼎旆常公不朽。好憑班范紀餘芬。

上元即事

翠駟銀鞍南陌回，鳳城簫鼓殷如雷。分明太乙峯頭過，一片金蓮火裏開。

詠柳借梁汾賦

煙水頻年瘦不支，一生餘得許多絲。靈和舊事今如夢，却到人間綰別離。

二

弱絮殘鶯一半休，萬條千縷不勝愁。祇應天上張星伴，莫向青門繫紫驄。

秋陵懷古

山色江聲共寂寥，十三陵樹晚蕭蕭。中原事業如江左，芳草何須怨六朝。

題虞美人榻蝶畫扇

寫得春風分外嬌，粉痕零落暈紅潮。曲終夢醒渾無那，同向斜陽恨寂寥。

有感

帳中人去影澄澄，重對年時芳苒燈。惆悵月騎香騎散，人間何處覓韓馮。

從見陽乞秋葵種

空庭脉脉夕陽斜，濁酒盈樽對晚鴉。添取一般秋意味，牆陰不種斷腸花。

詩集

五

四時無題詩十八首

一樹紅梅傍鏡台。含英次第曉風催。深將錦幄重重護。爲怕花殘却怕開。

二

挑盡銀燈月滿階。立春先繡踏書鞵。夜深欲睡還無睡。要聽檀郎讀紫微。

三

金鴨香輕護綺櫺。春衫一色麗蜻蜓。偶因失睡嬌無力。斜倚熏籠看畫屏。

四

手撚紅絲凭繡牀。曲闌停午柳花香。十三時節春偏好。不似而今惹恨長。

五

青杏園林試越羅。映妝殘身曉風和。春山自愛天然妙。虛費隋宮十斛螺。

六

綠槐陰轉小闌干。八尺龍鬚玉簾寒。自把紅窗開一扇。放他明月枕邊看。

七

水榭同攜喚莫愁。一天涼雨晚來收。戲將蓮萼拋池裏。種出花枝是並頭。

八

小睡醒來近夕陽。鉛華洗盡淡梳妝。紗櫥此日偏惆悵。翦取巫雲做晚涼。

九

追涼池上晚逾宜。菱角鷄頭散綠漪。偏是玉人憐雪藕。爲他心裏一絲絲。

十

却對菱花淚暗流。誰將風月印綢繆。生來悔恨相思字。判無齊紈共早秋。

十一

解盡餘醒燕盡香。雨聲蟲語兩淒涼。如何剛報新秋節。便覺清宵分外長。

十二

璇璣好譜斷腸圖。却爲思君碧作朱。幾夜西風消瘦盡。問儂還似舊時無。

十三

寒香細細撲重簾。口壓雕觥起未炊。端的爲花憔悴損。一枝還向胆瓶添。

十四

凝陰容易近黃昏。獸錦遺餘昨夜溫。最是惱人風弄雪。睡醒無事總關門。

詩

集

七

十五

玉指吳鹽待剖橙。忽聽樓外馬蹄聲。問郎今日天寒甚。却是何人抵暮行。

十六

是誰看月是誰愁。夜冷無端上小樓。已過日高還未起。任教鸚鵡喚梳頭。

十七

漫學吹笙苦未調。嬌癡且自倚定蕉。博山香盡殘灰冷。零落霜華帶月飄。

十八

慢爇甜香待煮茶。桃符曉却已聞鴉。宿妝總待侵晨換。留取鬢心柏子花。

詔征人語十三首

列帳平沙夜寂寥。楚雲燕月兩迢迢。征人自是無歸夢。却枕兜鍪聽晚潮。

二

橫江烽火未會收。何處危檣繫客舟。一片潮聲飛石燕。斜風細雨岳陽樓。

三

樓船昨過洞庭湖。蘆荻蕭蕭宿鴈呼。一夜寒砧霜外急。書來知有寄衣無。

四

旌旗歷歷射波明。洲渚宵來畫角聲。啼遍鷓鴣春草綠。一時南北望鄉情。

五

青燐點點欲黃昏。折鐵難消戰血痕。犀甲玉桴今寂寞。九歌原自近招魂。

六

戰鬩臨江少落花。空城白日盡飢鴉。最憐陌上青青草。一種春風直到家。

七

陣雲黯黯接江雲。江上都無雁鷺羣。正是不堪回首夜。誰吹玉笛吊湘君。

八

邊月無端照別離。故園何處寄相思。西風不解征人苦。一夕蕭蕭滿大旗。

九

移軍日夜近南天。薊北雲山益渺然。不是啼烏銜紙過。那知寒食又今年。

十

鷓影蕭蕭夜枕戈。隔江清淚斷猿多。霜寒畫角吹無力。歸夢秦川奈爾何。

詩

集

九

十一

一曲金笳客淚垂。鐵衣閒却臥斜暉。衡陽十月南來雁。不待征人盡北歸。

十二

纓歌征鼓夜泊舟。荻花楓葉共颼颼。醉中不解雙鞬臥。夢過紅橋訪舊遊。

十三

去年親申此從軍。揮手城南日未曛。我亦無端雙袖濕。西風原上看離羣。

上元月蝕

夾道香塵擁狹斜。金波無影暗千家。姮娥應是羞分鏡。故倩輕雲掩素華。

詠絮

落盡深紅綠葉稠。旋看輕絮撲簾鉤。憐他借得東風力。飛去爲萍入御溝。

借梁汾過西郊別墅

遲日三眠伴夕陽。一灣流水夢魂涼。製成天海風濤曲。彈向東風總斷腸。

二

小艇壺觴晚更攜。醉眠斜照柳梢西。詩成欲問尋巢燕。何處雕梁有舊泥。

爲友人和賦六首

不將才思唱臨春。愛著荷衣狎隱淪。分付芙蓉湖上月。好留清影待歸人。

二

夢裏誰曾與畫眉。別來幾度燕相窺。小樓日暮愁無那。折取藤花寄所思。

三

往事驚心玉鏡台。分香庭院長莓苔。百花深護桃源大。不許人歌赤鳳來。

四

長安北望杳茫茫。泣向薰籠憶舊香。惆悵玉環空寄興。紫薇郎是薄情郎。

五

珍重嬌鶯啄柳芽。清狂曾賦壓牆花。醴醴自許人如雪。何必丁寧繫臂紗。

六

朝衣欲脫換輕衫。無恙西風舊布帆。秋入玉潭新月冷。休因索寞怨崔嵬。

書鮑讓侯詩

多少才情豔綺霞。羨君能賦上林花。如余硯北渾無事。閒傍紅牕枕木瓜。

賦得柳絮傳書圖次陳其年韻

黃陵祠廟白蘋洲。尺幅圖成萬古愁。一自放羊溼水上。至今雲物不勝秋。

二

共愁雨豆總無倫。憔悴紅顏畫裏真。試看劈天金纜去。雷霆原惱薄情人。

三

晶簾碧砌玉玲瓏。酒滴珍珠日未中。忽報美人天上落。寶箏筵裏盡春風。

四

凝碧宮寒覆羽觴。洞庭歌罷意茫茫。玉顏寂寞今依舊。雨濤風颺枉斷腸。

柳枝詞十六首

一枝春色又藏鴉。白石清溪望不賒。自是多情便多絮。隨風直到謝娘家。

二

春到江南春草生。乍驚搖曳撲簾旌。黃鸝無語昏鴉起。深閉重門待月明。

三

七香車過殷輕雷。十里紅樓照水開。遙指玉鞭鞭白馬。柳陰陰下是郎來。

四

水亭無事對斜陽。宛地輕陰却過牆。休折長條惹輕絮。春風何處不廻腸。

五

何處纖腰不可憐。纏頭拋與沈郎錢。女兒睡覺推窗看。忽憶迎歡舊繫船。

六

永豐坊裏謝啼鶯。移植紅泥曲檻邊。涼月一簾思往事。是他曾與伴無眠。

七

人去樓空屬阿誰。月明惟見影垂垂。尋常已是堪愁絕。何況春來贈別離。

八

何事潏欄怨月明。乍晴樓閣倚孤清。相思一夕溪流漲。倒影絲絲拂水平。

九

綠到長干第幾橋。晚晴籬幕雨吹蕭。前身定自輕况甚。嫁得東風帶水飄。

十

辛夷開罷絮紛紛。青粉牆頭日未曛。記得個人春病起。是他綰惹綠羅裙。

十一

手縮長條倚水樓。困人風日頓梳頭。漾漾一抹催花雨。半繫斑驂半繫舟。

十二

軟風吹雪帶微香。曾向珠樓掃鈿牀。塘上鴛鴦三十六。祇今何處月茫茫。

十三

風過遊絲卷落花。又隨飛絮上簷牙。東鄰爲約清明後。陌上轉衫共採茶。

十四

一水縈迴雁齒橋。紅泥亭搭綠絲緜。潯陽縱有麻姑信。春雨春風自寂寥。

十五

細細萍吹水面風。百花飛盡綠陰同。別離管盡人如昨。羅袖長垂玉筋紅。

十六

休裁楊柳只栽桐。待鳳藏鴉好盡空。不見胥台明月夜。一池黃葉但西風。

上元竹枝

天上朱輪繡轡車。幾看春色到梅花。而今却畏春寒甚。獨掩重門自試茶。

題見陽小照

雨雪山空獨悟遲。羨君瀟酒出塵姿。靈和別殿臨風晚。最憶春前第一枝。

別蓀友口占

離亭人去落花空。潦倒憐君類轉蓬。便是重來尋舊處。蕭蕭日暮白楊風。

二

半山餘恨楚山孤。今夜送君君去吳。君去明年今夜月。清光猶照故人無。

顧照

畫出東風別一般。綠盧人靜獨憑闌。就中真色圖難就。最是春山兩筆難。

塞垣却寄四首

絕寒山高次第登。陰崖時見隔年冰。誰憐妙寫簪花手。却向雕鞍試臂鷹。

二

千重烟水路茫茫。不許征人不望鄉。况是月明無睡夜。僅將前事細思量。

三

碎蟲零葉共秋聲。新訴隄沙萬里情。遙想碧窗紅燭畔。玉纖時爲數歸程。

詩集

一五

四

枕函斜月不分明。夢欲成時那得成。一派西風連角起。寒鷄已到第三聲。

別意六首

二

晶簾低映美人蕉。雨歇芳叢點未消。應是玉鞭歸較晚。故來花底坐無聊。

三

濃香如霧恍難尋。執燭櫻桃伴夜深。慚愧十郎歸未得。空題紅淚寄焦琴。

四

獨擁餘香冷不勝。殘更數盡思騰騰。今宵便有隨風夢。知在紅樓第幾層。

五

芭蕉影斷玉繩斜。風送微涼透碧紗。記得夜深人未寢。枕邊狼藉一堆花。

六

銀屏對影自生憐。正是看花中酒天。翦却合歡雙帶子。一般牽恨又今年。

茗盃香燼爭事幽。每當相對便無愁。金籠自結雙棲願。那得題紈怨早秋。

暮春見紅梅作簡梁汾(乙丑)

杏花庭院月如弓。又見江梅一瓣紅。知是東皇深著意，教他終始領春風。

初夏月偕仲弟作

雲母窗扉夜不扃。露華和月滿中庭。可憐春去無多日，已怯微暄徹畫屏。

龍泉寺書扇

雨歇香台散晚霞。玉輪輕碾一泓沙。來春合向龍泉寺，方便風泉檢較花。

二

綉旛風定畫愔愔。證取蓮花不染心。佛法自來空色相，當年何事苦香鍼。

扈從聖駕祀東岳禮成恭紀

借宗柴望處。仙蹕迴雲霄。大禮猶三代。諸侯第一朝。東封金牒字。南指玉衡杓。闕里應相近。回鑾亦不遙。

塞外示同行者

西風千萬騎。颯沓向陰山。爲問傳書雁。孤飛幾日還。負霜憐戍卒。乘月望鄉關。王事兼程促。休嗟客髮斑。

詩集

一七

金陵

勝絕江南望，依然圖畫中。
六朝幾興廢，滅沒但歸鴻。
王氣條云盡，霸圖誰復雄。
尙疑鍾隱在，回首月明空。

寄梁汾并荅茅屋以招之

三年此離別，作客滯何方。
隨意一尊酒，殷勤看夕陽。
世誰容皎潔，天特任疏狂。
聚首羨麋鹿，爲君搆草堂。

題蘇文忠黃州寒食詩卷

古今誠落落，何意得斯人。
紫禁稱才子，黃州見食臣。
風流如可接，翰墨不無神。
展卷逢寒食，標題想後塵。

郊園卽事

勝侶招頻嬾，幽尋度石梁。
地應隣射圃，花不礙毬場。
解帶晴絲弱，披襟露葉涼。
此間蕭散絕，隨意倒壺觴。

沈逸士南嶼歸吳興詩以送之時梁汾客有上

成名方得意，幾日問歸舟。
獨有離居者，蕭然感素秋。
一筇黃葉寺，孤棹白蘋洲。
無限江湖

興。因君寄虎頭。

歲晚感寄

時序忽云暮。離居倍悄然。誰將仙掌露。換却日高眠。短夢分今古。長愁減歲年。平王無限淚。一酒燭花前。

送張見陽令江華

楚國連烽火。深知作吏難。吾憐張仲蔚。臨別勸加餐。避俗詩能寄。趨時術恐殫。好名無不可。聊復砥狂瀾。

戒壇同見陽作

欹斜一逕入。門向夕陽邊。何必堪娛賞。凋零自可憐。松寒疑有雪。僧老不知年。只合千峯上。長吟看月圓。

詠籠鸞

何處金衣客。栖栖翠幙中。有心驚曉夢。無計識春風。漫逐梁間燕。誰巢井上桐。空將雲路翼。絨恨在雕籠。

夜合花同梁竦亭題梁汾吳天章姜西溟作(時乙丑五月下弦)

詩集

階前雙夜合。枝葉敷華榮。疏密共晴雨。卷舒因晦冥。影隨筠箔亂。香雜水沉生。對此能消
忿。旋移近小楹。

恩駕馬蘭峪賜觀溫泉記十韻

御天來鳳輦。浴日啓龍池。野迴紆皇覽。春濃值聖時。落花綵綵仗。初柳拂朱旗。行漏三春
擁。停鑾萬象隨。瑞徵泉是醴。喜溢沼生芝。特許觀靈液。相將陟禁墀。氣凝漿五色。味結露三危。
仙蹕程遙度。慈闈駕近移。倍隆長樂養。兼採廣微詩。扈從誠多幸。重華賞薦辭。

擬冬日景忠山應制

岩曉鐵鳳鎖琳宮。親侍鑾輿度碧空。聖主豈因崇象教。宸游直自接鴻濛。遠山雪有一峯
白。別浦楓餘幾片紅。天意不教常肅殺。好看宇宙逼春風。

湯泉應制

清時禮樂萃朝端。次第郊原引玉鑾。河岳千年歸帶礪。寢園三月拜衣冠。便從畿甸親民
隱。更啓神泉示從官。非獨炎陵鍾坎德。恩波深處不知寒。

二

六龍初駐浴蘭天。碧瓦朱旗共一川。潤逼仙桃紅自舞。醉酣人柳綠猶眠。吹成暖律回燕

谷散作薰風入綵紵。最是垂衣深聖德。不須詞筆頌甘泉。

三

魚鱗雁齒鏡中開。濺沫爲霖遍九垓。不用劫灰求髣髴。便從天漢象昭回。桑壇法駕乘春轉。鶴禁仙鑪問寢來。遙祝海隅同帝澤。年年長聽屬車雷。

四

身向咸池傍末光。三危露暖不成霜。金鋪照日初涵影。玉斃生煙別作香。地接蓬萊通御氣。波翻豆蔻散朝涼。微臣幸屬賡歌日。願借如川獻壽觴。

秋日送徐健菴夫子歸江南四首

江楓千里送浮颺。玉佩朝天此暫辭。黃菊承杯頻自覆。青林繫馬試教騎。朝端事業留他日。天下文章重在時。聞道至尊還側席。柏梁高宴待題詩。

二

玉殿西頭落暗塵。迴波甯作望恩辭。蛾眉自是從相妒。駿骨由來豈任騎。白首盡爲酬遇日。青山真奈送歸時。嚴裝欲發頻相顧。四始重拈教詠詩。

三

詩集

二二

不同紈扇怨涼颺。咫尺重華好薦辭。衝嶽雁排迴日字。葛陵龍待化來騎。斑斕正好稱觴暇。絲竹誰從芙蓉屐。時弱植敢忘春雨潤。一生長誦角弓詩。

四

惆悵離筵拂面颺。幾人鸞禁有宏辭。魚因尺素殷勤剖。馬爲鄒泥鄭重騎。定省暫應紆遠望。行藏端不負清時。春風好待鳴騶入。不用淒涼錄別詩。

卽日又賦

商飈獵獵帝城西。極目平沙草色齊。一夜霜清林葉下。五原秋迴塞鴻低。相將綠酒浮莢菊。莫向黃雲聽鼓鼙。此日登高兼送遠。欲歸還聽玉鸞嘶。

再送撫尊師歸尊憲

紫府追隨結願深。日歸行色乍駸駸。秋風落葉吹飛鳥。夜月橫江照鼓琴。歷劫飛沈甯有意。孤雲去住亦何心。貞元朝士誰相待。挑歡重來試一尋。

題竹爐新詠卷并序

惠山聽松巷竹茶爐。歲久損壞。甲子秋。梁汾傲奮裂。復爲之。置積書巖中。諸名士作詩以紀其事。是冬余適得一卷。題曰竹爐新詠。則明時王舍人孟端。李相國西涯所爲。竹爐詩畫並在。實聽松故物也。喜

以歸梁汾，卽名其巖，故曰新詠堂。因次原韻。

爐成卷得事天然，乞與幽居置坐邊。
掩映芙蓉亭下月，依稀斑竹嶺頭烟。
畫如巨董真高士，詩在成宏極盛年。
相約過君同展看，淡交終始似山泉。

擬古

煌煌古京洛，昭代盛文治。
曰余餐霞人，簪紱忽如寄。
微尚竟莫宣，修名期自致。
榮華及三春，常恐秋節至。
學仙既蹉跎，風雅亦吾事。

二

相彼東田麥，春風吹嫋嫋。
過時若不治，瓜蔓同枯槁。
天道本杳冥，人謀苦不早。
荒廬日盱坐，百慮依春草。
四顧何茫然，凝思失昏曉。

三

乘險歎王陽，叱馭來王尊。
委身置岐路，忠孝難并論。
有客齎黃金，誤投關西門。
凜然四知言，清白貽子孫。

四

客從東方來，叩之非常流。
自云發扶桑，期到海西頭。
白日當中天，浩蕩三山秋。
迴風忽不

見去逐靈光遊。燭龍莫掩照。使我心中愁。

五

天門詭滂蕩。翕絕羅星纏。白日闕微躬。假翼會飛翫。平生紫霞心。翻然向凌烟。雙吹鳳笙歇。宛轉辭羣仙。越影肅浮雲。橫出天駟前。玉繩耿中夜。帝車何時旋。

六

曠然成獨立。片月相古今。瞻茲西北樓。斜暉鳴玉琴。清影忽以去。悵惘予何心。

七

竹生本孤高。儵然自植立。矯矯雲中鶴。翱翔何所集。丈夫故豁達。身世何汲汲。外物信非意。潦倒翻成泣。瞻彼嶺頭雲。扶疏被原隰。延佇當重陰。西風吹衣急。

八

寒沙連雲起。遙空白雁落。之子方從軍。深閨竟寂寞。天遠豈知返。路阻長河絡。北風吹瘦馬。鐵衣不堪著。從軍日未久。朱顏鏡中削。悠悠復悠悠。人生胡不樂。

九

妾如三春花。君如二月風。澹澹從東來。吹作天桃紅。一朝從軍行。令人嘆飛蓬。何似雲間

月。清輝千里同。

十

天地忽如寄。人生多苦辛。何如但飲酒。邈然懷古人。南山有閒田。不治委荆榛。今年適種豆。枝葉何莘莘。豆實既可採。豆豨亦可薪。

十一

宇宙何蕩蕩。皇天亦安知。屈平放江潭。子胥乃鴟夷。升沉本偶然。遇合甯有知。千古恨如此。徒爲吊者悲。微生亦何幸。勗哉溝昌期。

十二

三月燕已來。清陰杏子落。春風在青草。吹我度城郭。道逢貴公子。銀鞍紫絲絡。籜草展華茵。相邀共盃酌。爲言相見歡。殷勤費酬酢。久之語漸洽。禮數少脫略。初誇身手好。漫敝及勳爵。惜哉君卿才。何事夫宦學。予笑但飲酒。日暮風沙惡。走馬東西別。歸路烟漠漠。

十三

余年未三十。憂愁居其半。心事如落花。春風吹已斷。行當適遠道。作計殊汗漫。寒食青草多。薄暮烟冥冥。山桃一夜雨。茵箔隨飄零。顧餐紅玉草。一醉不復醒。

詩集

二五

十四

松生知何年。積鐵立一碧。其上無女蘿。其上遠荆棘。何用託孤根。蒼崖多白石。亦有青蘭花。吐芬在其側。

十五

美人臨殘月。無言若有思。含顰但斜睇。吁嗟憐者誰。予本多情人。寸心聊自持。浩歌幽蘭曲。援琴終不怡。私恨託遠夢。初日照籬帷。

十六

安石負盛名。乃在衡門初。名僧既接席。妙伎亦同車。仕進良偶然。年已四十餘。軍國事方棘。圍棋看捷書。所以絲竹歡。陶寫待桑榆。晚造泛海裝。始志終不渝。馬策西州門。想像生存居。君看早達者。懷抱竟何如。

十七

涼風颯然至。秋雨滿空塔。室有積憂人。所思在天涯。蟋蟀鳴北牖。蛛絲落高槐。明發出門望。爽氣正西來。西山有澗阿。肥遯以爲懷。

十八

生本蒲柳姿。回颺任西東。心如秋潭水。夕陽照已空。落花委波文。天地如飄蓬。忽佩紫金魚。予心何夢夢。不如葺茅屋。種竹栽梧桐。貴賤本自我。榮辱隨飛鴻。何設阮步兵。慷慨泣途窮。

十九

客遣湘綺琴。言是雷霄斷。能啼空山猿。亦飛秋澗瀑。援之發古調。三奏不成曲。朱絃淡無味。余亦鄙免俗。

二十

白雲本無心。卷舒南山巔。遙峯如夢中。孤影相與還。忽然間高霞。霏霏欲成烟。風花落不已。流輝轉可憐。皎潔自多愁。况復對下弦。高樓夜已半。惜此不成眠。

二十一

歲星不在天。大隱金馬門。微言亦高論。一一感至尊。文園苦愁病。凌雲氣蕭瑟。乘傳威始伸。諫獵情彌切。所爲一卷書。乃待身後出。

二十二

西漢有賈生。卓犖真奇士。齋志終未達。盛年身竟死。爲文吊屈平。可憐湘江水。忤俗謝勳貴。輕生答知己。臨風忽搔首。吾亦從逝矣。

二十三

鳳翔幾千仞。羽儀在寥廓。結巢梧桐頂。層雲覆阿閣。非無青琅玕。不寄西飛鶴。一鶴正西飛。翩翩長苦飢。玉潭照清影。獨自刷毛衣。生得謝虞羅。光彩非所希。

二十四

初日淡楊柳。對之何所言。東風幾千里。吹入十二門。天地忽如寤。青草招迷魂。堂堂復堂堂。春去將誰論。

二十五

世運條代謝。風節棄已久。罄折投朱門。高談盡畎畝。言行清濁門。術工乃逾醜。人生若草露。營營苦奔走。爲問身後名。何如一杯酒。行當向酒泉。竹林呼某某。時有西風來。吹香滿巖缶。不問今何時。臨風但搔首。

二十六

宛馬精權奇。歛從西極來。蹴踏不動塵。但見烟雲開。天閑十萬匹。對此皆凡材。傾都看龍種。漢日登燕台。却瞻橫門道。心與浮雲灰。但受伏櫪思。何以異駑駘。

二十七

春風解河冰。威里多歡娛。置酒坐相招。鼓瑟復吹竽。而我出郭門。望道心煩紆。垂鞭信所歷。舊壘啼飢鳥。吁嗟獻納者。誰上流民圖。一騎紅塵來。傳有雙羽書。慷慨欲請纒。沉吟且踟蹰。終爲孤鳴鶴。奮翥凌雲衢。

二十八

落日忽西下。長風自東來。天地果何意。逝水去不回。並事看弈碁。劫盡昆明灰。長安羅冠蓋。浮名良可哀。不如巢居子。遁跡從蒿萊。

二十九

行行重行行。分手向河梁。持杯欲勸君。離思激中腸。努力飲此酒。無爲居者傷。

三十

長安遊俠子。黃金視如土。結交及屠博。安知重圭組。一朝列華筵。羞與朱履伍。惜哉意氣盡。委身逐傾吐。時俗尙唯阿。至人亦傴僂。惟昔有贈言。深藏乃良賈。

三十一

閉關謝西域。漢文何優柔。聖澤逾亥步。遐荒如甸侯。旅獒旣充貢。越雉亦見收。蠻族進瓊瑯。不煩使者求。昭回雲漢章。燭及滄外州。人生觀盛事。豈羨乘槎遊。

三十二

聖主重文學。清時無隱淪。遂令拂時者。還爲棄繻人。適意聊復爾。去來若無因。昔采西山薇。今憶松江莼。

三十三

結廬依深谷。花落長閉關。日出象鳥去。良久孤雲還。迴風送疏雨。微芬扇幽蘭。白日但靜坐。坐對門前山。生世多辛苦。何如日閒閒。

三十四

與君昔相逢。乃在苧蘿村。相逢卽相別。後期安可論。揚蛾啓玉齒。聲發已復吞。詎絕賞音者。其如一願恩。

三十五

信陵竟愛客。舉世稱其賢。執轡過市中。爲壽監門前。邯鄲解圍日。嚙矢引道邊。救趙適自危。故國從棄捐。功成失去就。始覺心茫然。再勝却秦軍。遭讒竟誰憐。越婦不善後。作計非萬全。傳徒賣漿者。名字亦不傳。惜哉所從遊。中詎無神仙。飲酒雖達生。辟穀乃長年。

三十六

積雪在房櫺。新月光欲凝。照地若無迹。娟娟破初暝。燈遲我友攬。裘坐開徑。人生何茫茫。卽事偶成興。南飛有烏鵲。遶樹棲不定。持杯欲問之。東風吹酒醒。

三十七

魏闕有浮雲。蔭茲白日暮。返景下銅台。歌聲發紈素。流輝如有情。千載照長路。漳河不西還。百川盡東赴。時哉不可失。讖言思所悟。雨後望西陵。蔓草縈古墓。安得爲飄風。永吹連理樹。

三十八

彩虹亘東方。照耀不知晚。川長組練明。關塞若在眼。我友肯從征。三歲胡不返。邊馬鳴蕭蕭。落日照沙苑。封侯固有時。寄語加餐飯。

三十九

吾憐趙松雪。身是帝王裔。神采照殿庭。至尊曠映麗。少年疏遠臣。侃侃持正議。才高與轉逸。敏妙擅一切。旁通佛老言。窮探音律細。鑒古定誰作。真僞不容諱。亦有同心人。閨中金蘭契。書畫掩文章。文章掩經濟。得此良已足。風流渺難繼。

四十

朔風吹古柳。時序忽代續。庭草萎已盡。顧視白日速。吾本落拓人。無爲自拘束。偶儻寄天

地。樊籠非所欲。嗟命華亭鶴。榮名反以辱。有客歎二毛。操觚序金谷。酒空人盡去。聚散何局促。攬衣起長歌。明月皎如玉。

聖駕臨江恭賦

黃幄臨大江。山川借顏色。鯨鯢久已盡。不待天弧射。按圖識要汎。懷古討遺跡。帆檣擒虎渡。營壘佛龜壁。時清非恃險。何事限南北。却上妙高台。悠悠天水碧。

虎阜

孤聳一片石。却疑誰家園。煙林晚逾密。草花冬尙繁。人因警蹕靜。地從歌吹喧。一泓劍池水。玉燕亦飛翻。美人與死士。中夜相爲言。

江行

木落江已空。清輝澹鷗鷺。不見繫纜石。寒潮沒瓜步。帆移青楓林。人歸白沙渡。似有山猿啼。錫然瀟湘暮。

平原鄉漢樊侯墓

雲龍會影響。駕馭從豁達。樊侯鼓刀人。時來遂揮喝。一望重曠營。再排隆進闕。良平信美好。對此氣應奪。斯人在層泉。猶勝懦夫活。

桑榆暨河梁汾夜望

朝市競初日。幽棲聞夕陽。登樓一縱目。遠近青茫茫。衆鳥歸已盡。煙中下牛羊。不知何年寺。鐘梵相低昂。無月見村火。有時聞天香。一花露中墜。始覺單衣裳。置酒當前簷。酒若清露涼。百憂茲暫豁。與子各盡觴。絲竹在東山。懷哉詎能忘。

爲王阮亭題戴豬旆畫

心與西山清。坐對西山雪。山空多幽響。芳草久云歇。白雲如滄洲。縹渺不可越。丹青意何長。宛此山徑折。臥遊失所見。空林一片月。

暮春別嚴四諫友

高雲媚春日。坐覺漁鳥親。可憐暮春候。病中別故人。鶯啼花亂落。風吹成錦茵。君去一何速。到家垂柳新。芙蓉湖上月。照君垂長綸。

送施尊師歸穹窿

突兀穹窿山。丸丸多松柏。造化鍾靈秀。真人爰此宅。真人號鐵竹。鶴髮長生客。天風吹羽輪。長安駐雲鳥。偶然懷故山。獨鶴去無跡。地偏宜古服。世遠忘朝夕。空壇松子落。小洞野花積。蒼崖採紫芝。丹竈煮白石。蒼前一片雲。卷舒何自適。他日再相見。我髮應垂白。願此受丹經。冥

心鍊金液。

寄朱鶴巖

萍梗忽南北，相聚復相離。去年一相見，正值落花時。秋風苦催歸，轉眼歲已期。淅淅秋葉落，綿綿秋夜遲。開戶見殘月，道遠有所思。丈夫故慷慨，此別何淒其。明發攬塵鏡，新寒生鬢絲。

早春雪後同姜西溟作

西山雪易積，北風吹更多。欲尋高土去，屨冰鬱蹉峨。琉璃一萬片，映徹桑乾河。耳目故以清，苦寒其如何。朝鴉背城來，晴旭滿岩阿。春泥凍尙合，九衢交鳴珂。忽覩新歲華，履端布陽和。不知題柱客，誰和郢中歌。

送梁汾

西窗涼雨過，一燈乍明滅。沉憂從中來，綿綿不可絕。如何此際心，更當與君別。南北三千里，同心不得說。秋風吹蓼花，清淚忽成血。

題李空同詩卷和王黃淄韻

李侯卓犖人，骨體本不媚。貂璫餒屢觸，全生偶然遂。昌言曷友朋，贈答不無謂。想其詩成時，良亦自矜貴。果得身後名，譏讒復何畏。

峻龍與經騰叔夜話

絕域當長宵。欲言冰在齒。生不赴邊庭。苦寒甯識此。草白霜氣空。沙黃月色死。哀鴻失其羣。凍翮飛不起。誰持花間集。一燈氈帳裏。

宿龍泉山寺

招提偶然到。再宿離喧雜。列岫霽始開。雙扉晚初闔。禪心投鉢龍。梵響下簷鴿。既開陵闕望。亦謝主賓答。遙夜一燈深。石罅燒艾蒨。

輓劉富川

人生非金石。胡爲年歲憂。有如我早死。誰復爲沉浮。我生二十年。四海息戈矛。浩萌忽萌生。斬木起炎州。窮荒苦焚掠。野哭聲啾啾。墟落斷炊烟。津梁絕行舟。片紙入西粵。連營餽相投。長吏或奔竄。城郭等廢丘。背恩寧有義。降賊竟無羞。予聞空太息。嗟彼巾幗儔。黯澹金台望。蒼茫桂林愁。卓哉劉先生。浩氣凌斗牛。投軀赴清川。噴薄萬古流。誰過汨羅水。作賦從君遊。白雲如君心。蒼梧遠悠悠。

野鶴吟贈友

鶴生本自野。終歲不見人。朝飲碧溪水。暮宿滄江濱。忽然被縶繳。矯首盼青雲。僕亦本狂

士富貴鴻毛輕。冲舉道無由。幡然逐華纓。動止類循牆。戢身避高名。憐君是知己。習俗苦不更。安得從君去。心同流水清。

壇詞

詩亡詞乃盛。比興此焉託。往往歡娛工。不如憂患作。冬郎一生極樵悴。判與三閭共醒醉。美人香草可憐春。鳳蠟紅巾無限淚。芒屨心事杜陵知。祇知惟賞杜陵詩。古人且失風人旨。何怪俗眼輕填詞。詞源遠過詩律近。擬古樂府特加潤。不見句讀參差三百篇。已自換頭兼轉韻。

送馬雲翎歸江南

側身宇宙間。長嘯久獨立。之子我友人。南歸事蓑笠。交情如谷風。澹澹復習習。吹君度江去。片帆春雨濕。葉捐世所悲。予獨爲君喜。君歸葺屋南山裏。燕麥青青纔覆雉。新鷺啼過眠未起。笑看我輩紅塵死。

題趙松雪畫鷓鴣秋色卷

歷下亭邊兩峯石。不似江南好山色。乍看落日照來黃。渾疑劫火燒將黑。更無樹橘點清秋。惟見蘆蕭白楊白。君爲此山令山好。空翠俄從楮間瀆。知君著意在明湖。掩映山光若有無。曲折似還通澗口。蒼茫定不屬城隅。鯉魚風高網罟集。彷彿漁唱來菰蒲。一竿我欲隨風去。不

信扁舟是畫圖。

新晴

新晴暖風吹柔荑。綠烟如剪稻苗齊。夕陽一片照長堤。隔休殘雨猶淒淒。柳外如聞驄馬嘶。柳絲帶雨拂深閨。誰家少婦最高梯。凝情空怨錦江西。

又贈馬鑾翎

峇嶠最高山。山氣蒸爲雲。物本相感生。相感乃相親。吁嗟人生不可擬。君南我北三千里。一朝傾蓋便相歡。兩人心事如江水。君身似是秋風客。身輕欲奮凌霄翮。語君無限傷心事。終古長江江月白。世事紛紛等飛絮。我今潦倒隨所寓。惟願飲酒讀君詩。花前醉臥夢君去。

長安行贈葉初卷庶子

長安舊是帝王宅。萬戶千門麗金碧。歌鐘甲第盡王侯。繡轡雕鞍照長陌。紛紛入眼競繁華。春日春光好誰惜。春風初吹上林草。一夜雪深山盡老。雪花飛來大如席。化作新泥徧周道。角聲嗚嗚破草烟。驚鴉飛去未明天。青樓綺閣不卷簾。玉河凍合層冰堅。只疑此際行人絕。寧知槐柳森成列。經過借問此爲誰。云是東南貴遊客。嗟哉人生何不齊。清者如雲濁者泥。忽憶崑山葉夫子。磊磊落落隨所栖。羨君著書窮歲月。羨君意氣凌雲霓。世無伯樂誰相識。驂臨日

詩集

三七


暮空長嘯。我亦愛時人。志欲吞鯨鯢。請君勿復言。此道棄如遺。聞道西山有瑤草。何不同君一
樂之。

送孫友

人生何如不相識。君老江南我燕北。何如相逢不相見。更無別恨橫胸臆。留君不住我心
苦。橫門驪歌淚如雨。君行四月草萋萋。柳花桃花半委泥。江流浩淼江月墮。此時君亦應思我。
我今落拓何所止。一事無成已如此。平生縱有英雄血。無由一濺荆江水。荆江日落陣雲低。橫
戈躍馬今何時。忽憶去年風雨夜。與君展卷論王霸。君今偃臥九龍間。吾欲從茲事耕稼。芙蓉
湖上芙蓉花。秋風未落如朝霞。君如載酒須盡醉。醉來不復思天涯。

柳條邊（邊，堵也。以柳爲之。在塞外。）

是處垣籬防絕塞。角端西來覺疆界。漢使應行虎落中。秦城合築龍荒外。龍荒地遠塞
然。護得當時飲馬泉。若使春風知別苦。不應吹到柳條邊。



飲水·側帽詞

各埠特約經售

香港 漢口 北平 天津 濟南 杭州 汕頭 廈門

美商美公司 現代書局 佩文齋書局 文華書局 自強書局 佩文齋書局 大業書局 北洋書局 武林書局 文商書局 新時代書局



本書一册
實價二角

總經售

出版者

中國圖書館出版部
上海牯嶺路一四五弄第十七號
上海四馬路三二四號
上海雜誌公司上海總店
廣州永漢北路二三九號
上海雜誌公司廣州支店
南京太平路二四八號
上海雜誌公司南京支店

中華民國二十四年十一月一日刊行

82
249243

249243

